

## LLIBERTÁ

Tenía dos xilgueros  
El neñu de Xulián  
Que pescara con liga  
En medio de un payar  
Y porque non comíen  
Y non cantaben ná,  
Llorando istes palabres  
Íos decía 'l rapaz:  
“¿Qué tenéis xilguerinos  
Que non queréis cantar?”

Yo tráyovos alpiste  
Lo miyor q' aquí hay,  
Y del miyor panizu  
Que collera mió pa.

Enuenovos la xaula  
De migayaes de pan,  
Y cuando tien cereces  
La nuestra cerezal  
Pélovos les meyores  
Y tráyoles p' acá.

Agora, pel veranu  
Que tantu calor fay,  
Cýbroyos la xaulina  
Con fueyes de final  
Y flores de Benitu,  
Lloreu y tomillar.  
¿Non conocedes vos  
Que non puedes fer más?  
¿entoncies qué vos falta  
Que non queréis cantar?

Y diz que los xilguerinos  
Del neñu de Xulián,  
Igual que si falaren  
Y dando a les alines  
diceren al rapaz:  
“Non queremos alpiste,  
Nin panizu, nin pan,  
Nin flores de Benitu,  
Lloreu nin romeral.  
Si quiés venos cantar,  
Non nos des pan nin flores  
Danos la libertá”

